



26. januar 2015

UPA2015/50

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq saqqummiuppara:

Nunatsinni tamani utoqqaat illuisa pilersaarusiordfigineqarnissaanik siunnersuut apeqquteqaat aallavigalugu oqallittoqarnissaanik siunnersuut tamatumuuna saqqummiuppara.

(Inatsisartunut Ilaasorta q Hans Enoksen, Partii Naleraq)

Tunngavilersuut:

Nunatsinni tamarmi nunaqarfinni illoqarfinnilu utoqqaat amerliartornerat tunngavigalugu ilaatigut utoqqaat illuisa pilersaarusiordfigineqarnissaat kommunit peqatigalugit aallartitoqartariaqalersoq matumuuna saqqummiuppara.

Sinerissami utoqqaat illoqarnikkut atugaat sumiiffiit ilaanni ilaatigut pitsaanerpaajungitsut tamatta ilisimavarput, pingaartumik aamma nunaqarfiit illoqarfiillu eqqarsaatigalugit.

Utoqqaat nunatsinni amerliartorput, ilaatigullu aamma innarluuteqalartartut aamma amerliartorput, siunissamilu qularnanngilaq utoqqaat amerliartornerat tunngavigalugu suli innarluutilinnut utoqqanullu peqqissunut inissiat pitsaasut amigaataaleriartuinnartussaassallutik. Tamannalu pinngitsoorneqassappat kommunit peqatigalugit Naalakkersuisut utoqqaat illuinut pilersaarusiordlutik aallartittariaqalerput.

Massakkut atugassarititaasut qiviraanni, illoqarfiit ilaanni utaqqisut sivisuumik utoqqaat illuinut nuunniartut utaqqisariaqartarput, taavalu massakkut ilaatigut utoqqaanngikkaluarlutik innarluuteqalersimasut allamik inissaqannginnertik pissutigalugu utoqqaat illuinut inissineqartarput, Allamik inissaqannginnertik pissutigalugu.

Nunaqarfinni illoqarfinnilu isorliunerusuni aamma utoqqaat najugaasa pitsanngorsarneqarnissaat aamma pinngitsoorneqarsinnaanngilaq, taamaattumik utoqqaat illoqarnikkut siunissami atugaat pitsaanerulissappatta taava pilersaarusiornissarput aallartittariaqalerparput Oqallilluarisi.